

度

支

奏

議

度支新餉奏議序

刻度支奏議新餉居其四五刻
新餉奏議芟佚尚居其二三文
與歲繁紙亦偶因時貴敝筭可
棄告餽難哉壽司頃謹得成
帙蓋試次一

思長久之計然具也聖

釋之有

可一俞否曰咨者事詳一事而

宵旰之焦勞謀斷之委悉梨然具

側而視之其厚倍焉有切責詰

難往復求宜補牘執奏數四得

請者年棘一年而主計之心血

案司之手腕犁然具也不佞乃
感而言曰自遼豕薦涉中外昕
夕以遼爲的致遘專司優超陟
幾與職方氏等蓋兵餉交須之

功也

嘉廟之季胡雛卑飛

帝頒波屬樞計撐支無事盪之徵誥

伏則思揮盃

今上龍飛之元年秋冬餉始岌岌特
脫巾焉不佞拙與窘會無他謬
巧但有理未焚之責節又饜之
腹涔瀾滴挹以沃焦釜而奴騎
又嘯上東門矣有倉卒客無倉
卒主人郇厨不戒良庖且爲東

手矧以族庖炊空鎗乎鼃鼠
梧天幸勿乏追念猶有餘悸
是虎符雲轅關輿者用多募
者利厚騷然煩費姑爲權宜救
急之劑幾幸一二年間遼水澄
波燕然提碣方將條便蠲煩輿
民沐浴而天未悔禍不佞亦復

病與息相繼而禁制昔蘇威稱
言今茲賦法譬若張弓後有君
子誰爲弛之興言及此則今日
輦而入歲貯若干鎰明日輦而
出歲遺若干鎰皆非余志也夫
則皆余戾也夫我

皇上蠲又省餉之願矢茲六載而不

佞承乏其五新餉獨賢積勞之
司迄今十人而不佞共事其四
歲月滋久薪膽相憐如蜀之范
子鑛毫之薛子邦瑞楚之劉子
鎬上谷之張子鵬翀皆相與寒
沾暑濕仰承

明作之威赫非水嚼俯淬盤根之銳

世廟庚戌時部申條列兵食狀隻字
已之冬錄前勞牛亟索

世廟庚戌時部申條列兵食狀隻字
竟無可致則斯刻之不容已也
將遠以備太史之採使本末無
遺千平準近以訂胥史之闕令
司同得微夫文獻云爾若曰曰

杵在望行矣不忘桑土依然飛
而猶顧是刻也不乃告勞乎則
吾豈敢則吾豈敢

崇禎六年癸酉季夏吉旦長白
居士畢自嚴題

度支奏議目錄

新餉司一卷

請令兵部措發遼東犒賞疏

覆餉院查叅未完加派并雜項載入考成疏

覆科臣張國維條議兵餉疏

開復各官請酌查叅疏

那解島餉接濟關門疏

覆南科臣錢允鯨歸并餉差疏

題覆督師約定餉額立賜補給疏

通判臣等謹將所擬疏

請令工部自行措發皮襖疏

申飭法令告窮積欠遼餉無措疏

題覆御史姜兆張條議疏

申明關外找補新餉二萬疏

覆議蠲免停徵錢糧年限疏

題覆津部酌定冬替馬匹草束疏

題覆津部預計二年關運糧料疏

度支奏議卷之一

太子少保戶部尚書淄青畢自嚴視草

請令兵部措發遼東犒賞疏

題爲財用俱乏辦賞無支仰懇

聖裁措發並

允開鑄事專理新餉山東清吏司案呈崇禎元年八月初七日該本部署部事左侍郎王家楨覆督師袁崇煥題前事等因本月初十日奉

聖旨是欽此本年八月二十二日又奉本部送准

部咨同前事內開鑄出銀付造軍前支用
明旨欲令戶兵二部湊發十萬兩臣部無錢穀之司
設處無術照邊上修工犒恤戶七工三事例咨
臣部於太僕寺撫賞銀內借支三萬兩解關應
用其餘七萬聽戶部湊給等因八月十八日奉
聖旨是欽此欽遵咨會到部送司案呈到部該臣等
看得督臣出鎮奉揚

天討所藉以鼓舞軍心誠以犒賞爲急務第犒賞須
屬兵部臣部歲入從來無此項之派徵歲出

從來無此項之支給案查天啓五年經畧高第題爲微臣赴關伊始等事奉

熹宗皇帝聖旨額餉三十萬着戶部作速措解以便軍前給發其另請募兵犒賞之需着戶兵二部湊處十萬兩應用不得遲悞欽此該臣部原任尚書李起元那奏五萬兩差主事黃日昌董嗣謨解訖天啓七年六月內督師王之臣題爲微臣再膺重寄等事奉

熹宗皇帝聖旨覽卿奏鼓舞將士必資厚犒說得是

著戶兵二部不拘何項錢糧照例作過支用
兩隨解軍前以備募兵犒賞支用事平造冊銷
該部知道欽此又該臣部原任尚書郭允厚那素
五萬兩差員外吳叔度解訖隨于夷鋒校而且
惡疏內有云樞部當設身處地與同病之憐莫
以此爲例等語奏在

御前可按也豈非以五萬之那移萬難繼之日後
預鳴于

君父之前耶今督師袁崇煥壯志臨邊軍前犒賞例

請十萬復蒙

皇上有戶兵二部委曲湊給之

旨臣部卽匱極敢不曲爲湊發該臣部署部事左侍郎王家楨于崇禎元年八月初十日題將山海餉司王建侯積存草豆價銀內聽督師動支五萬兩應用一以遵

明旨一以循徃例臣部之應出與否所不計矣外五萬兩有天啓五七兩年之成案在樞部自應出辦而今額有戶七兵三之

臣等竊以犒賞爲臣部事而派令供其大半耶抑
忘五七兩年之成案而謂創起自今日耶夫犒
賞原樞部事從來俱動太僕馬價止因昔年之
五萬臣部已兩次應承遂不便再爲爭執若先
已破格而任五今又欲違例而增七則是臣部
慷慨應承自招重擔而無名協濟誰是已時目
今關餉缺甚未知所終舉

朝共知亮樞部不以臣部爲托辭也伏乞

皇上勅令兵部遵照五七兩年犒賞戶兵各發五萬

舊例除臣部那湊五萬外其餘五萬該部自行
措運以應急需臣部幸甚封疆幸甚既經咨會
前來相應題

請恭候

命下臣部移文兵部欽遵施行

崇禎元年九月初一日具

題初五日奉

聖旨這督師所請犒賞銀兩還着兵部照例措發五
萬兩去不得爭執悞事責有所歸欽此

覆餉院查叅未完加派并雜項載入考成疏

題爲新餉日增日迫外解日減日逋敬循職掌申明考成之例并酌清稽之法以濟軍需事專理新餉山東清吏司案呈崇禎元年八月初六日奉本部送戶科抄出督餉御史錢士貴題前事內開歷查關寧諸鎮兵馬本折不下五百二十餘萬而支領常溢于額外加派雖專爲遼年來東扣西割今歲入僅三百九十餘萬而逋欠常縮于額內出者旣多人者祇見其少入者旣艱

出者祇見其追查新餉考成視京過尤重臣若
歲一查叅每年夏盡秋初又有六分截叅之例
而法久因循積弛積逋以至于此然此項總係
一條鞭內未有不輸之公帑有稽遲者非緣小
民之艱難或緣奸胥之侵蝕今當勒限省直司
府立刻開報本年遼餉或係州縣未完或司府
未完或已完若干未完若干造冊報臣按其差
者叅劾之定以九月爲期如過期解不足額者
斷以白簡從事不敢爲遠吏寬也若類解不速

開報不明藩司糧道亦無解于急誤不敢爲太
吏寬也此本年之應催解者也至天啓七年各
省直尚欠如許而以前積逋不與焉所當一併
考成嚴限九月內全解如再拖延從重叅罰此
舊欠之應急催者也至雜項各條年縮一年解
不及十之二三其鹽引權關蘆課鑄息總在該
部設法清查與撫按之捐助聽自查解此外屬
有司奉行者如穀緩役扣祇馬原有定額卽稅
契優免典稅雖無定額部議原有畫一之規乃

今各鮮寥寥漸歸烏有矣皆因未經報有故
如加派之可按籍而稽也宜責各省直司道通
融于本轄州縣酌定欵額造冊報部每歲可辦
若干一并載入考成以洗侵稽之弊其屬軍衛
奉行者爲屯糧一節宜責成屯田道查額報解
則涓滴皆可爲實餉此雜項之應併覈者也臣
謹按前餉臣原奉

勅書內開遼左道將並聽吊查乃各營間有冊報而
參差寥落尺幅空文終不得而問也乃臣所欲

爲一清稽者非獨爲餉也亦以爲兵也影冒之
兵去而後所存者皆殺賊之兵侵耗之餉清而
後所給者皆養兵之餉臣得祗奉

簡書竭督運之微勞是臣承役伺差之職分也再照
餉而係之以遼今遼事何如而輕言留也一番
題

請一番觀望文移往返耽誤已多特乞申飭或遇地
方有事勿復輒言留餉以開遲悞之端等因本

年八月初二日奉

聖旨覽奏三款深中餉務有裨以後有事地方不得
議留遼餉俱如議行該部知道欽此欽遵通抄到
部送司案呈到部該臣等看得榆關缺餉甚衆
嗷嗷介冑呼庚危疆岌岌此乾坤何等時而省
直諸臣猶然痛癢罔聞緩急不問其果弁髦
功令耶抑亦忘情封疆耶督餉臺臣誼切同舟憂
厯蒿目其于本年之欠額七年之舊逋限以九
月報完若過期不解與解不足額類解不速解
開報不明者不爲遠吏寬并不爲大吏寬庶幾

舊逋新徵可以應手接濟今日鮮懸之急着端
無逾此至于雜項條件漸歸烏有餉額益缺最
可寒心總因未有成規是以漫無稽覈臣昨於
遼餉不敷疏內已將額數未確九款具奏蒙
聖明俯納勅各撫按督率有司詳細查覈限三月以
裡具實奏報矣餉臣議于本轄州縣酌定欵額
每歲可辦若干并載考成以洗積弊尤爲畫一
所望在外諸臣共襄

國急遵依三月嚴限如餉臣議酌定欵額速爲

奏報以便載入考成無使悠忽之積習如昨游移
之項欵成虛抗捏殘遼庶克有濟不然則有餉
臣之白簡在至于遼左道將應聽吊查察餉并
以察兵大有裨益計餉臣之威望自足震懾中
外仰副

聖懷無庸臣再贅一詞矣若夫遼餉不可請留屢奉
明旨諸臣憂

國同心誰敢復以留餉再煩

天德者乎第人心玩愒已久自非

天詔森嚴終難隨呼輒應伏乞

皇上垂念遼事孔亟將餉臣奏內事理

亟行申飭仍

命下臣部移文各該衙門欽遵施行

崇禎元年九月初八日具

題本月十一日奉

聖旨這奏內遼餉雜項着地方官速酌欸額造冊報
部載入考成逋欠過期不完的叅來重處關內外
支餉數目俱要冊報餉院以憑清覈遼餉不許請

留屢奉明旨再有擅自具題開州縣觀望之端
併議處該衙門知道欽此

題覆科臣張國維條議兵餉疏

題爲議餉當議可繼之餉清兵先清無用之兵謹
酌裒益之權以贊邊籌事專理新餉山東清吏
司案呈奉本部送戶科抄出刑科給事中張國
維題前事內開各省司府州縣貯有變賣絕軍
產價者盡解充邊并查州縣積年勾補未了之
案果係故絕卽取鄉里結狀據實申請題豁至
于清查侵田須得風力道臣按冊稽畝徹底嚴
覈一洗冒頂包占私賣之弊其不任干戈者姑

准免標量加給養半取其糧而佐急需
勾補則餘一屯地清一私占則多一公業
法
羸弱則省一軍費以其資補待哺之饑卒一便
也給邊屯之畊具二便也勾撥少蘇恩同解額
三便也侵冒者去壁壘一新四便也至於民壯
弓兵庶幾古者以農爲兵之意乃今徒充勾攝
滋擾民間曾不得緩急之用宜令各省府州縣
於此二項清點老弱汰其三解充邊餉復查
各省錢糧悉有成額唯稅契一項總民間自給

投納數甚多而額難定宜令巡按御史設法稽
核按季

奏報每年除額支稅契者開明扣用其餘盡以解
部不得溷托存留備用等因本年八月十三日
奉

聖旨清軍佐餉之議俱非空談還着戶兵二部具覆
欽此又該戶科參看得科臣疏內極言腹裏官
軍之害最爲痛快至言養兵而曰奉無用之兵
曰奉名存實去之兵曰奉蠹兵之豪右言清勾

而日十餘載不結數千家延累日海內無一處
受軍之利無一處不受軍之害真可謂字字中
窾矣

聖旨已嘉其非空談者可竟使以空談終耶抄出邊
酌覆之等因抄出到部送司除清軍勾補係兵
部事聽該部議覆外其中事關本部者相應摘
覆案呈到部爲照遼餉若流轉運無停止之虞
餉額不繼度支窮彌補之方乃

功令需之愈殷省直應之愈緩如絕軍產價漸

烏有屯糧故業耗于侵漁弓兵民壯止坐食以
殃民稅契存留徒假公而充橐科臣議令各司
府州縣貯有變賣絕軍產價盡解充餉一加查
核所得不貲至若除勾補以餘屯田清私占以
饒公業汰羸弱以省軍費可以贍饑卒可以資
耕稼可以省勾擾可以新壁壘種種利便但如
科臣所云措之以漸而勿可遽行之以術而勿
使知是在各地方官之權宜通變耳其民壯弓
兵原備操練調援之用今此輩徒克勾攝反以

滋擾稅契一項雖地方風土不同多寡不一
那移別用難保必無臣自田間有慨于中久矣
昨于遼餉不敷疏內曾言及此今科臣籌
國苦心字字實着已蒙

聖明嘉納深鑒其非空譚均應如議力爲申飭以裨
餉務者也既經具題前來相應覆

請恭候

命下臣部移文各該衙門欽遵施行

崇禎元年九月初十日具

題十三日奉

聖旨是欽此

開復各官請酌查叅疏

題爲敬因開復請酌查叅以明

功令以勸懲輸事專理新餉山東清吏司案呈准
提督省直援遼軍餉事務巡按監察御史錢士
貴手本爲懇天移會開復完糧縣官事內開泰
順縣知縣潘仲蘭平陽縣知縣聶于勤俱因六
年遼餉未完爲本院查叅降級督徵今二縣六
年錢糧查各全完相應開復等因又奉本部送
准鳳陽巡撫郭尚友咨爲

國家有急不待時之餉省直有欠不及額之饑
遵舊例查叅以催積逋事內稱淮安府知府董
允升於十二月末旬到任在七年僅止十日地
方之災稜屢見章奏而旬日之受事似可鑒原
開復職級等因又奉本部送據浙江湖州府知
府金廷璧呈爲罰不當罪情難緘懇乞具題
開復以昭公道以安郡吏事內稱本職於四月
二十七日領憑至七月初一日始入境視事接
部報見五月初四日戶部查叅完欠降職二級

戴罪督徵以前官之積欠加于未任之新官懇
乞具題開復等因各到部送司該本司查得泰
順縣知縣潘仲蘭平陽縣知縣聶子勤以天啓
六年遼餉未完餉院查叅本部覆

准降職二級戴罪督徵在案今查六年俱已全完例
應開復淮安府知府董允升湖州府知府金廷
璧以本部查叅省直三年未完止責見任之例
各准降職二級戴罪督徵在案今該鳳陽巡撫
咨稱董允升到任止十日金廷璧呈稱到任在

後情似可原合無暫准開復勒限督催
啓五年南昌府知府汪秉元亦以該府欠至
分以上照例題叅革職繼經該撫咨稱本官
後到任本部具覆仍行降職二級戴罪督徵
守相沿之成例則董允升金廷璧兩知府尚難
徑行開復但以累年之積逋猛責成于一人之
新任弗程後效遽執降罰委非情法之平伏乞
裁酌畫一明白具題以便遵守非敢開寬假之
門正求叅罰協宜可以信

功令而示勸懲也等因案呈到部該臣看得新餉
繫榆關之命脉一日不接濟則枵腹之苦三軍
受之脫巾之禍封疆受之所恃以警醒人心懲
其積玩僅有考成一法臣部查叅成例止責見
任正恐已徃者付之不問見在者諉之已陳一
應積逋終無完日法綦密心綦苦也第不論其
到任之久暫受事之先後而槩以重法繩之無
論罰不當辜人心不服且新發之劄正望以催
科之效而舊逋之累先隳其向往之心其何以

別功罪示鼓舞哉臣謂每年餉院有截叅有年終叅查覈必確憲規具存以全完爲開復母容再議至于臣部三年有總叅蓋總三年之積欠類爲分數以示懲創者也寒暑三易仕路滄桑豈能一一執經手之人而問之責成見任誠勢不容已者但此中亦應分爲三等如一人而經手三年皆係拖欠者其人積玩可知當照例降調經離地方如一人而經手兩年或一年內外者當照例降罰戴罪督徵如到任不及半年者

止應責以督催勒以期限逾期不完方以降罰
督徵之例行之庶法有差等人知感奮擔無可
卸義無可逃若淮安湖州二知府到任甫十日
及未經到任輒被叅罰降職此則省直原未報
有徵收職名而臣部茫無可考遂誤有查叅耳
惟是經徵職名到任日期地方遼濶最易舛錯
移文查取動至愆期此後兩直各道及各省藩
司每遇年終卽將新餉完欠分別隔徵見徵及
各官經徵年月造冊報部不許過次年三月如

遇

覲期仍將三年內職名總造一冊倘呼而不應應不
以時卽以逋欠之罰加之藩司該道以儆怠玩
職名年月查覈旣確則可以三年總叅亦可以
逐時摘叅法行而人知畏不至如年來之混淆
徒爲積玩有司話柄矣所有前項省直降罰各
官旣經查明自宜開復伏祈

皇上俯允將已完知縣潘仲蘭聶于勤照例開復任
淺知府董允升金廷璧暫准開復仍限年終全

完若再稽遲臣部另行查叅降罰此後臣部總
叅分別三等著爲定例事急摘叅隨時斟酌其
經徵職名年月責成司道一年一造三年總造
庶輸將自速而餉務有裨矣旣經咨呈前來相
應題

請恭候

命下臣部移文吏部將知縣聶于勤等知府董允升
等開復并咨都察院轉行各撫按行令各府縣
遵奉施行

崇禎元年九月十一日具

題本月十七日奉

聖旨是俱依議行欽此

那解島餉接濟關門疏

題爲月餉運價并詘軍需補奏無術謹陳通變接濟之方以無悞封疆事專理新餉山東清吏司案呈爲照關門額餉積欠漸多津門運價停舟待發皆不可須臾緩者廼一月以來外解希濶屢奉

明旨督催竟不應手萬一再待不至時勢益迫封疆大事更不可言職寢食靡寧救急無策查得島兵報汰之後兵數止有二萬八千原議島兵十

五萬設島餉百萬除本色外實有兵餉銀七
餘萬見奉堂批咨行督師各衙門酌議具奏
中所省當不貲也東省咫尺呼應尚易似可量
那二三十萬以應關門之求餘俟議定再作支
用島餉之額尚寬固於島兵二萬八千之需無
損也至於運價該銀九萬七百有奇萬難姑待
若需催解定屬後時前者津部原請有田爾耕
變產銀兩奉

旨解京以備緩急此時餉務誠無急津運者諒亦

聖思所不靳也合無呈乞具題以給關門運價仍一面亟催省直接濟等因案呈到部該臣看得關門待哺之衆止責望臣部臣部不應則兵餒臣部轉輸之力止責望省直省直不應則計窮而况歲入不足當歲出即使全完尚缺額一百二十餘萬而又未必能完也榆關內外月餉自七月二十以後逮九月十三以前共已發過六十餘萬似存乎見多者乃今扣至九月終止實欠關內關外兵餉馬乾找補等項共銀六十一萬

九千一百五十餘兩督師屢疏輒以補前不敷
發今必需爲諄復

明旨屢頒亦以措發積欠接濟月餉爲詔誠惟是年
來正雜新餉原不足四百萬每月所入不過三
十萬上下說者僉謂必須別有區處方可勾銷
積欠顧舍外解之外臣部將於何處區處誠難
言之矣近議綜覈雜項實數立法責成亦可增
一二十萬許第終難責効於旦夕耳此外仍有
一說臣自到任以來查先後解到餉銀河南爲

最山陝次之其得附近地方之力居多較量程途山東差近昨歲議以本折百萬充島兵十五萬之餉東省新餉臣部途不得其絲毫之用今東江查汰後兵數止二萬八千業奉

明旨酌議發餉臣猶以事屬錢糧關係重大移會督師等衙門從長酌議必俟得當方敢具覆然島餉之有餘正可補關餉之不足權宜那動預用一時誠裒多益寡之急者也至津門海運較月餉尤亟蓋折色易而本色難陸行易而水行難

軍士挾鎡易而果腹難秋盡風高便當停棹運
價愆期誠不得不皇皇者查得田爾耕房產變
價銀五萬餘兩曾經天津餉臣崔爾進請克月
餉奉有

明旨仍着解京以備緩急臣等仰體

宸衷睿慮無非留以應邊疆之急需耳今日運價誠
急而天津河間相去伊邇可以朝奉

命而夕頒發尤便且速臣等勢迫情切所爲不避煩
聒冒昧陳請于

聖明之前也伏乞

皇上軫念關門缺餉甚多饑軍旦夕難忍

俯允臣請權於山東加派銀內預行那解三十萬兩
以補關門缺額餘俟島餉定額之後再行奏

請定奪并念運務遲速軍糈攸關

俯將田爾耕變產價銀抵作運價一轉移間所裨益
於危疆不小矣至於外解愆期臣已星夜移文
宣

皇上有旰食憂勤之懷動臣子忠義急公之念倘再不

應臣部惟有指名叅奏以候

皇上盡法處分而已伏祈

炤察俯允

命下臣部移文各該衙門遵奉施行

崇禎元年九月十六日具

題十九日奉

聖旨島餉准支三十萬兩接濟關門其運價五萬兩
卽於內扣給田爾耕變價還遵前旨鮮京該部
催去欽此

題覆南科臣錢允鯨歸併餉差疏

題爲興利不若節費省事不如省官懇將南都鼓鑄督理銅務二差并歸南部罷遣北差以節冗費以清弊蠹事專理新餉山東清吏司案呈崇禎元年九月十三日奉本部送戶科抄出南京兵科給事中錢允鯨奏前事本年九月初十日奉

聖旨北部司官差往南京鑄錢及督理買銅二差原非舊制不便稽查如議歸併南部行其鑄差原領

鑄本銅差原領銅價數目幾何交納幾何着該
官一一查明具奏冊報不得含糊容隱責有所歸
該衙門知道欽此欽遵抄出到部送司該本司查
得南都鼓鑄原係工部差官應聽徑自議覆外
其督理銅務原係本部差官合行具覆案呈到
部該臣看得買銅一差委非

舊制始於天啓五年因鈔關及各商起運不前北鑄
停爐是以設立專官以董之然多一官則多一事
獲利有限糜費不貲臣昔年承乏南都亦以

停罷此差爲便不意科臣之先得我心也今已奉

明旨歸并南部行矣接管司官應聽南戶部遴才委
任臣部原差司官務須備悉查筭要見前差本
部司官員外郎武獻哲遺下未完銅價若干今
代催完過銅斤若干值價若干未完若干該在
某商名下催解今差本部司官郎中楊先芳自
領銅價若干已完銅斤若干值價若干未完若
干該在某商名下催解一一造冊交與接管官

明白遵

旨奏報交代之後作速回部與寶泉鑄局將解過銀
斤再行面算清楚以結此差之局科臣所云發
銀者不知納銅之數收銅者不詳領銀之實
商猾胥因緣爲蠹似此積弊已非朝夕今庶其
爲釐剔之始乎至于今歲銅本前任臣部尚書
郭允厚題定以四十萬爲額繼允南部事例之
請除去十萬各鈔關等銀尚該解銅差三十萬
除銀已起解到差者交與接管官催銅解局外

其銀未起解到差者應行文各鈔關暫停南解
權解臣部以佐軍餉急需蓋前此之積欠在商
者儘足接濟鑄局後此之法從更始者亦應斬
斷葛藤庶幾眉目分明免致頭緒牽扯且科臣
有先納銅後給價之議法甚簡便可免侵冒花
費之弊應行南部酌議奏

聞俟議妥後臣部另爲酌發銅本可也伏乞

命下臣部容臣移文各該衙門遵奉施行等因

崇禎元年九月二十四日具

題二十九日奉

聖旨是欽此

題覆督師約定餉額立賜補給疏

題爲約畧錢糧大局並陳關外實欠及買馬急用
乞

勅該部立賜補給以無悞封疆事專理新餉山東清
吏司案呈崇禎元年九月初八日奉本部送戶
科抄出出鎮行邊督師薊遼天津登萊等處軍
務兵部尚書兼都察院右副都御史袁崇煥題
前事等因本年九月初五日奉

聖旨督臣拮据遼事急在措餉應手這關內外積欠

七十四萬着該部作速措發太僕寺馬價併措
夷四萬兩卽與解赴餉司各道應聽督師節制的
悉聽糾覈以一事權該部知道欽此又該督師袁
崇煥題爲大敵臨門餉缺馬乏萬分緊急

嚴勅速發以鼓敵愾以挫夷鋒事奉

聖旨關外每月餉銀數目知道了歷過月餉戶部速
行給發犒賞尚虧二萬兩已有旨兵部措處限奉
旨三日內卽發草料剩銀八萬兩舊督臣取用豈
無支銷文冊趙宋儒着嚴究速報太僕馬價七萬

二千兩解過若干何官領解何日起程具疏奏聞
未解若干也限三日內不拘何項錢糧那借湊撥
於明年州縣春運扣抵不得推延誤事罪責有歸
該衙門知道欽此欽遵通抄到部送司除犒賞馬
價聽兵部酌覆草料銀八萬兩行文督師根究
速報外其措餉一項相應摘覆案呈到部該臣
等看得自有遼事以來徵調四出本折兼輸關
內關外之卒林立薊密永津之兵驟集至島上
一旅皆得恣所欲而取盈焉問如何置兵而輕

重布之如何酌餉而裒益裁之誰肯任勞任怨
袁崇煥初覲

天顏毅然以五年滅奴爲已任舉

朝壯之知其久有成筭於胸中矣臣部職司會計
正慮無術點金以佐督師蕩平之業及見約畧
錢糧大局一疏首云願縮兵而就餉此一言也
不獨體

國用之艱亮臣部之苦而滿盤打筭奴在目中
可槩見臣安得不呼吸通而竭蹶應也臣復取

新餉簡明刊冊逐一詳閱計關鎮月餉天津運
價以及鹽菜馬乾米豆草束等項每歲約用銀
五百二十餘萬又島兵留用折色六十三萬合
笑之應支銀五百八十四萬今督師稱漸漸減
汰以四百八十萬爲額真實省去百餘萬所謂
縮兵而就餉者良非虛語臣部餉額雖缺定須
勉強從事以足督師四百八十萬之額昨遵

明旨將雜項諸欸頒行省直酌議不日應有成數舊
遼餉京運銀五十二萬有零除撫賞及提塘月

糧取給外見額止四十萬有零年來雜買進奉
米豆兌支京邊卽此項也姑嗣省直雜項冊到
臣部亦爲滿盤打算儘力措處另將四百八十
萬之項欸具冊奏

覽督師曰從此四百八十萬勿視爲計部之餉而督
師之餉臣亦曰從此四百八十萬勿視爲省直
緩急任便之物而臣部纖毫難缺之物矣預先
積貯按月待支督師不得不叮嚀於臣部預先
催徵按月起解臣部亦不得不叮嚀於省直矣

如是而後遞相責成共相應遼事其有濟乎
至於或關或鎮或津或島皆在督師統轄中則
或本或折或增或減皆在督師籌策中臣部總
聽督師裁定以轉輸此四百八十萬之用庶幾
計餉留兵如意伸縮督師之肘不掣而剪滅朝
食可計日俟之矣若夫餉司與各道載在
勅書悉聽糾覈以一事權已奉

明綸疇敢隕越似不必慮一着之不投一官之不應
也新餉別支臣可得而力杜各省題留屢屢

特旨誰敢再開此端第年來積玩掛欠相仍合如督
師議容臣部每年兩次咨報督師以憑會同督
餉御史叅劾示懲是亦振刷人心之一機也目
今榆關內外積欠銀兩雖亦陸續接濟奈外解
有數不足填許大之孔各鎮新兵缺餉亦在在
告急所望今歲冬季三箇月以裏外解輻輳以
結今歲之局不但饑軍攸賴且使舊帳旣明方
從來歲截齊做起始覺清楚伏乞

皇上勅下省直巡撫星速行催刻期起解并查加派

及雜項銀兩積欠之尤係何州縣該撫自行審
奏以候

皇上處分庶人心愈惕而今歲可望結局矣督師謂
不斂盡天下之怨不能成必世之功臣部亦何
敢畏難避怨而不共襄恢復之鴻烈也既經具
題前來相應覆

請恭候

命下臣部欽遵移文各該衙門知會施行

崇禎元年九月二十七日具

題本月三十日奉

聖旨覽奏督師縮兵就餉具見經國苦心其約定餉額爾部務上緊接濟各省直須預先催徵按月起解不得有誤仍前拖欠的爾部每年兩次咨報督師着會同督餉御史叅處其關內外欠餉務在今年補完該省直撫臣嚴行催解拖欠多者卽行叅奏以憑重處決不姑息欽此

遼餉匱乏請借內庫疏

題爲京運三月不敷懇乞亟題以甦軍困以冀危
疆事專理新餉山東清吏司案呈於十月初一
日接遼東督師尚書袁崇煥揭帖前事大率謂
殘疆需餉內發杳聞如庫貯空虛不妨明明告
之

皇上不憚何項借發數十萬救急俟新餉解到卽還
往時有借無還今有職爲之簡汰到任一月已
減去來年三十餘萬新餉他日自是有餘易于

填還等因又於本日復接督師袁崇煥揭帖
餉乏兵變危在旦夕事內稱關門寧遠各出駐
子謂到十月初三箇月餉不完又復鼓譟職臣
借鑄本犒賞盡行給發未知可弭目下之變否
伏乞

皇上蚤爲封疆計不拘內外何項錢糧有卽給發遲
則大事去矣等因到部送司案呈到部該臣看
得遼兵前此缺餉已在

聖鑒不敢具奏及查兵變以後僅兩月餘耳臣部實

旦拮据前後發過關內外兵餉銀七十三萬四千一百八十七兩有零寧遠實有四十五萬之數以之敷補前欠雖不足以之幫佐本色支持目前儘堪一飽矣猶然各出帖子謀爲鼓譟兵驕且悍抑至于此臣月來累牘入

告星馳行催不啻頽禿唇焦而外解猶不充裕又前兵部向臣部借犒賞銀二萬兩取之事例不敷權將新餉那二萬起解又關門草價十萬兩奉旨月內給發專望外解湊給而督師告急之文至矣

問之新庫所存貯者止一萬一千兩間之舊倉僅有漕折銀六萬兩留以補放本年四月分京軍折色尚苦不足問之老庫僅有二萬六千兩非奉

明旨不敢擅動今哀籲

皇上借用老庫銀兩總湊不過三萬有零亦何濟緩急之用據督師情詞迫切有危在旦夕之狀而責臣部以明明告之

皇上不拘何項借發數十萬臣知

皇上內帑空虛往時有借無還何敢朦朧陳請萬不得已冒死叩

閭爲一時通融之計臣前因缺餉數多疏

請預支島餉三十萬濟急除奉

旨扣留五萬作津門運價外尚該解部銀二十五萬臣部遵行該省提解復差官守催矣此近在咫尺呼無不應者也又廣東省預報差官陸卽光張啓賢兩次起解銀十四萬兩浙江省預報差官丁士昌起解銀十二萬兩此已解在途旦暮

可到者也但一日不到則缺督師一日之望
生驕兵一日之心伏乞

皇上軫念封疆事重餽餉匱乏不拘內庫何項錢糧
暫那四十萬以應關門之急俟山東廣東前銀
解到不復允入臣部徑令解官賫交內庫以抵
今借四十萬之數其未足者卽以浙江報解之
銀扣數補明在

皇上原未損

內府之藏在遼左藉以杜器陵之口一轉移而造

福非淺矣冒干

天聽臣罪何辭臣無任悚息懇禱之至

崇禎元年十月初二日具

題本月初四日奉

聖旨內帑全未贏餘撥括十萬兩發充新餉外解到
日照數補進刑部現追贓銀開報實數一併奏發
你部通行各省嚴催外解有仍前延緩的卽將撫
按官指名叅處譟字錯寫改正行欽此

請令工部自行措發皮襖疏

題爲循例

請給皮襖事專理新餉山東清吏司察呈崇禎元年
九月二十九日奏本部送戶科抄出工部署部
事右侍郎王洽題前事等因本年九月二十三
日奉

聖旨關外軍士皮襖銀兩爾部還同戶部措處給發
以後爲例不許推諉欽此欽遵抄出到部送司察
呈到部該臣等看得軍裝皮襖等項隸于繕部

載在

會典臣部於天啓六年皮襖自有司存疏開列甚
悉見在

御前可按也歷查天啓二三四五年間該鎮例請皮襖
並與本部無涉止因天啓六年值

三殿經營之始該部急不能辨臣部奉

旨勉承那銀五萬兩以代之原疏云今日之那動爲
大工非爲皮襖爲

朝廷非爲工部倘後日仍之爲例而徑以及襖坐歸

臣部臣部有所不敢受也等因具題隨奉

熹宗皇帝聖旨這措發皮襖銀五萬兩具見委曲急公俟三殿告成此項銀兩仍歸工部欽此遵行在案至天啓七年

三殿業已落成該部果援前例復行推諉本部原任尚書郭允厚特疏具題奉

聖旨皮襖銀兩係邊士禦寒急需着工部酌處措發已有旨了欽此該部已遵

明旨徑自措處矣今奏墨未乾成案具在而復爲此

請獨不思昔因

三殷而通融原非永例況昨年已屬之該部矣今年復強牽臣部以爲抵塞地乎目今臣部缺餉正至艱至苦千難萬難不知何以結目前之局而道溺職之誅倘臣不自揣力復將皮襖銀兩具昧應奉到底無從措處致使邊疆軍士啼饑號寒之苦皆自臣部貽之臣罪愈深而愈不可贖矣爲此不避煩聒敢直陳於

皇上之前伏乞

勅下該部遵照

前旨自行措處毋再推諉耽延以悞隆冬急務違誤
幸甚臣部幸甚

崇禎元年十月初七日具

題本月初十日奉

聖旨戶部正餉緊急這皮襖銀着工部遵照舊例作
速措發時已迫寒不得延捱取罪欽此

申飭法令告窮積欠遼餉無措疏

題爲申飭法令告窮積欠遼餉無措懇

勅省直諸臣速催起解并令自行回

奏以儆積玩以解倒懸事專理新餉山東清吏司
案呈爲照遼左餉額出浮於入雖非一年然猶
勉強撐持也今自關寧以至薊密永津在在告
缺較之往歲無此光景豈不大駭聽聞細求其
故蓋有三焉一曰餉額之漸溢也自紀監增兵
之說行而關外月餉於十萬之外增加二萬在

部止解十萬錢外那後補前積作欠數今具
銖筭入未減分毫以一年論明加二十三萬案
一曰舊帳之累積也元年以內一認補薪密永
津四鎮七年冬季兵餉并召買銀十三萬二千
七百九十五兩一認補山海寧遠冬季馬乾并
我補銀八萬一千二百兩一認補易州并通糧
廳七年腳價召買等銀三千四百六十兩且寧
遠增兵之例雖起自舊歲增兵之餉積筭在今
歲既補七年八月起至十月止我餉銀三萬五

千二百三十九兩九錢又補七年十一月起至
十二月止找餉銀四萬兩合筭之崇禎元年代
天啓七年認補發銀近三十萬矣一曰外解之
稽遲也舊自正月日起至九月終止各省直解
過新舊加派雜項等銀三百一十五萬有奇今
歲自正月日起至九月終止各省直止解過新舊
加派雜項等銀二百萬有奇實少解銀一百一
十五萬矣出數日增外解日縮司計更有何法
而不束手待斃也夫此拖欠者欲以爲省直催

科之不前而以今較昨難易豈遽天淵欲以
臣部督催之不力而司官守催差人守催文
幾至充棟矣且

皇上召對何日不憂勤

明旨切責何日不警惕而省直竟裒如充耳也司計
更有何法而不束手待斃也職滿盤打算年以
內補舊欠給新額非二百餘萬不能完今歲之
局此軍士懸釜待炊萬不可少者今查六七兩
年及崇禎元年各省直拖欠加派銀兩已經開

呈

御覽除解過外雖欠有銀二百三十二萬八千四百
有奇其中尚有帶買遼米等項費銀數多未經
銷筭江西元年壓徵未必刻下全完實實欠額
不過一百五十餘萬耳至雜項銀兩累年積欠
甚多近如天啓七年分欠九十七萬七千七十
有奇崇禎元年額該一百三十三萬五千有奇
除河南解過一萬三千兩山東認奏島餉八萬
五千有奇其餘省直尚欠一百二十一萬四千

零間或解到亦甚零星豈謂有酌定額數之計
遂不免躊躇觀望乎夫所謂酌定者不過欲論
多寡非論有無奈何槩置不問也又新增各運
司遼餉鹽課一項出之富商爲力頗易雖有見
徵壓徵不同然見徵者自應當年卽完壓徵者
亦應壓年通完今查各運司自天啓六年起至
崇禎元年止共欠三十一萬五千六百八十五
兩有奇此皆去年與元年應完之課何以時入
冬今而猶然未解也此時若再云申飭再行完

催紙上空言無俾實用餉一斷絕貽禍匪輕伏
乞設法具題懇請

皇上懸罰以示不宥庶外解源源而來遼事尚可爲
矣等因案呈到部該臣等看得遼餉缺額相沿
已久卽兵餉不加增外解不通欠以本年之入
供本年之出而不那移於別年已自不免匱乏
况乎種種交困於一時也今細加查覈額餉旣
增二十四萬又代補七年舊欠近三十萬是出
額比別年多五十餘萬矣自本年正月起至九

月終止外解所入又比七年少一百一十五萬
矣一出入相差一百七十餘萬臣部安得不
窘兵餉安得不缺夫出數之溢邊疆事也入數
之縮省直事也今歲九月以前外解遂比舊歲
少一百一十五萬果有司催科之不前耶果臣
部之差官差役行文行劄分道四馳者督催尚
不力耶抑亦省直諸臣際

聖明寬大之世而忘與

國以之誼耶改歲匪遙勢難再緩除拖欠加派

銀兩節奉

明旨督催諒皆徵完在庫起解在途爲分毫不可少之數鹽課銀兩向有定額追呼更爲易易并限年終盡數通完至於雜項銀兩臣亦不敢從前開欠強諸省直以所難但權衡於兩年欠額十分之中先解五分以應日前之急餘俟來春酌議既定再爲補解計兩年共欠二百一十九萬有奇先解五分便可得一百餘萬蓋雜項原係見成銀兩更比加派不同如屯田則原額甚輕

完納非艱如平糶則春夏積銀上半年業已
完如稅契則置產納稅不俟追比如抽扣則
役領工食之日卽是扣遼餉之日試問州縣
年終不給工食者否如典舖則殷實之家無
立辦如馬夫則各官額設銀兩隨取隨足但
一開徵便可扣解如優免則俱係有職人員
誼切急公誰敢效小民逋負者止因積習因
循遞成延緩年壓一年有州縣前官扣留在
廩以俟解解而後官故意遲延以抵自己項
下者有州縣

逐年解府而該府或那移別用或收貯不解者
有各府逐年解司而布政司或那移別用或收
貯不解者但一清查便有實濟倘各省謂雜項
之難則北直每年糴買遼豆非雜項乎何以年
完一年且取用之蚤也山東湊發島餉非雜項
乎何以派作實數認爲定額也今并將省直兩
年未解雜項并鹽課數目另具揭帖開呈

御覽是在各該布政司鹽運司刻意督催苦心調劑
同前欠加派銀兩俱於年裏起解到部仍乞

皇上預懸必伸之法敢有呼而不應應而不速者
布政司鹽運司從重處分更冀

勅下各該巡撫巡按巡鹽俱於年終將該省加派雜
項鹽課等銀完欠數目自行回

奏庶積玩之人心猛然警省而待哺之士卒一飽
有資矣此外更有雜支公費一項臣初入部卽
於遼餉不敷疏內詳言之此係各州縣額設銀
兩多半充無益之費量裁省之以助遼餉事易
而獲多應以崇禎元年爲始查催起解仍照原

行冊報臣部以便編入餉額者也臣於此尤有感焉遼東危急昭昭在人耳目而省直絕不關念如江西借口壓徵已比各省壓免一年該省額該加派銀三十六萬有零今屆元年孟冬矣而七年分尚欠二十三萬有奇是壓一年而止得該省十二萬之用也浙江元年加派該徵銀四十二萬有奇雜項額該二十二萬有奇分毫不解或者以水災爲辭而水災在七月未災以前何爲而不解也被災地方有限又何槩行停

聞也淮安府拖欠加派遼餉該府朝

覲冊開稱貯庫聽解而新任知府董允升申稱係前任知府許令典同知方尚祖等年前借三萬四千有奇作本地兵餉矣又稱借三千二百餘兩爲

三王之國用矣揚州府拖欠加派銀兩爲署印通判姜效乾借二萬七千七百兩有奇爲操餉用矣夫淮餉操餉及

藩封之供億自有正項柰何借及遼餉乎臣部望

眼欲穿而在外諸臣任意借用其當照數追補明矣事勢危迫不得不拈出以請

皇上特旨責成重加懲艾至若加派新餉獨河南省先期報完則該撫臣丘兆麟之殫心任事該藩司張夢鯨之竭力急公真可爲海內人臣法矣所當特爲旌異以示激勸者也伏乞

皇上命下臣部轉行各該省直撫按司府速催起解接濟年終分別完欠據實回

奏遼餉絕續之關在此一舉矣事關錢糧疏字逾

限并望

聖明寬宥臣無任激切惶悚之至

崇禎元年十月十五日具

題本月十九日奉

聖旨遼餉不繼軍士待哺甚急除加派新餉嚴催徵解這雜項銀兩積欠數多依議先解一半應急鹽課俱着通完加派餉銀歲裡解入如有遲怠將布政司鹽運司官從重處分該撫按鹽臣年終仍將各項銀兩完欠數目自行回奏其公費一項着量

臧助餉江浙拖欠并淮揚借用俱著作速清查補
解丘兆麟張慶鯨紀錄優轉悉如議行欽此

題覆御史姜兆張條議疏

題爲兵食國之急務安攘實有要圖謹摠涓埃仰
禪

高深以資騰飽以張撻伐事專理新餉山東清吏司
案呈崇禎元年九月二十一日奉本部送戶科
抄出廣西道監察御史姜兆張題前事等因本
年九月十七日奉

聖旨覽奏五款俱鑿鑿可行遼鎮監增兵有無撤去
俟會議具奏關寧兵餉聽督師查覈其造冊上聞

及送戶兵部科各邊通與申飭兩殿中書錦衣衛
作厨役查照原額清汰文武恩廕天啓七年內委
多冒濫吏兵二部查奏酌處附奸革職的并廕創
去社倉儲粟如議絕軍田糧俟萊州衛清理奏到
一體飭行援例輸粟近邊及增鼓鑄復關稅該部
確議來說各關稅課不及額的務要嚴核責成不
得一任侵削該衙門知道欽此欽遵抄出到部送
司除事隸吏兵二部聽該部酌覆社倉儲粟責
成關稅通行申飭外其援例復稅鼓鑄三項相

應議覆案呈到部該臣等看得軍興旁午佐餉
無資塞下之輸粟園府之經營關市之額征總
理財者所必資也臺臣蒿目時艱於借箸中詳
及之除事例近奉

明旨歸併臣部見在畫一遵行似難遽議更端外惟
鼓鑄爲自然之利臣部於天啓元年創寶泉局
隨集廷議請

旨專勅令各省直開鑄充餉應者寥寥天啓四年原
任督理錢法侍郎鄭三俊有鼓鑄之利已見一

疏臣部覆定鑄息酌派各省直銀八十萬兩
直起解多寡任便繼且紛紛具奏以費巨息微
什七報罷矣崇禎元年四月內臣部據咨類
以南京新廠湖廣陝西雲南密雲有利當開
東浙江河南福建江西廣東無利當止業奉

欽依咨行省直茲據臺臣疏稱曾攝錢局用本二萬
五千每歲得息一萬餘兩不請鑄本止以民皂
工食借鑄隨鑄隨還獲利不貲使省直諸臣人
人如此何憂匱乏而無奈不盡然也今罷者已

罷無容再議至認定省分旣開生息之源應效
急公之義量力度勢每年可辦鑄息若干亦應
如臣前奏雜項九款之例確定額數奏

聞使臣部得據爲成數率入新餉額內以應督師四
百八十萬之

請可也至潼關一路爲秦晉要途龍車一寨當秦楚
要害商賈輻輳貨物鱗集孔道便於管息榷稅
易於取盈稅課大使額設已久歷數十年民不
稱厲天啓七年偶緣崔魏擅權市恩商賈致令

潼關咸陽大慶慶陽鳳翔漢中臨洮西安三原
之間一切報罷而商賈熙攘之餘不用以佐
國家之匱乏亦大失筭矣應如臺臣議遵循

舊制仍復稅課以廉幹之吏經營之每歲可得二萬
餘金卽作固原兵餉抵充年例甚便計也蓋廣
鼓鑄於省直以佐軍興權商稅於秦隴以哺巖
塞均臺臣所目擊而親試者誠籌之熟矣旣經
具題前來相應覆

請恭候

命下臣部移文南京戶部及陝西湖廣雲南順天巡撫并各都察院轉行各該巡按御史通行各屬查照鼓鑄復稅原題事理一體欽遵施行

崇禎元年十月十七日具

題本月二十二日奉

聖旨是欽此

申明關外找補新餉二萬疏

題爲找補之議久懸內外之額互異仰懇

聖裁以昭畫一事專理新餉山東清吏司案呈奉本部送戶科抄出該本部署部事左侍郎王家楨題前事等因崇禎元年八月初九日奉

聖旨這關外所爭餉銀二萬應存應減着督餉御史及督撫清查具奏欽此隨移會督餉御史及督撫清查問續奉本部送戶科抄出該廣西道御史姜兆張題爲兵食國之急務等事等因奉

聖旨覽奏五款俱鑒鑒可行是鑒鑒增兵有無撥
俟會議具奏欽此隨奉本部送准督師尚書袁崇
煥咨開准餉院手本前事內開煩將關門內外
見在兵馬若干月支鉤銀若干其加增二萬兩
起自何時贍何兵用應存應減亟宜裁定弗使
內外爭執等因准此案照關外每月餉銀該十
二萬馬乾鹽菜共該十四萬餘每月該庫止發
十萬只得那後償前通融以放故每月欠餉銀
二萬馬乾鹽菜共積欠至四十七萬關內每月

該餉銀馬乾十萬該庫每月止發七八萬積欠至二十七萬皆各兵役過之餉積逋至三四月不給致有鼓譟卽欲簡汰亦須補給隨見邸報節奉

聖旨關外每月餉銀數目知道了歷過之餉戶部速行給發欽遵在案歷過之銀萬不可緩若應減應存俟本部清汰另有畫一之數今大敵在境未可遽爲急定等因到部送司案呈到部爲照塞下健兒以餉爲命矧關寧當強虜之衝鋒鏑死

臣以命博餉月餉馬乾鹽菜等項按月截給其
部之責也祇因去年紀監添兵關外月餉十萬
之外每月又添二萬原准督師王之臣咨稱關
外官兵舊以六萬計故餉發十萬兩今十月號
冊除班軍外已多九千八十員名請按月發十
二萬兩等因續奉

明旨各邊內鎮盡行撤回一切兵馬錢糧器械等項
俱著交割督撫鎮道衙門爲守禦之用欽此是內鎮
雖撤而兵馬未減也兵馬未減則二萬之餉亦

米減也祇緣餉缺積欠未發自去年八月起至今年七月止共欠二十四萬近奉着督餉御史及督撫清查之旨今督師以大敵在境未可遽裁卽欲減汰亦須補給請將九月以前拖欠餉銀盡數找發清楚自十月以後另定新額業又奉有速行給發之

旨臣敢不仰遵

明命速爲找補以斬從前之葛藤以便向後之簡汰哉除劄催該庫將前項找補銀兩隨外解所入

陸續給發外合行題

知臣不勝悚息屏營之至

崇禎元年十月二十三日具

題本月二十七日奉

主旨卿等前在平臺奏關外額兵八萬關內四萬今
據疏內王之臣咨稱關外舊兵六萬續增九萬八
十員名又與八萬數不同卿部還會同兵部咨督
師袁崇煥速據見在兵數清冊奏報關外若干關
內若干紀監原增兵若干見存若干使一覽瞭然

以便給餉其歷過月餉仍陸續解發接濟不得稽遲欽此

覆議蠲免停徵錢糧年限疏

題爲民生已困軍餉復殷謹合諸臣請蠲之議酌
省直應免之期以廣

皇仁以濟

國用事專理新餉邊餉司案呈崇禎元年三月二
十六日奉本部送戶科抄出陝西道監察御史
李柄題爲恭繹

明詔敬陳安民察吏足

國安邊之要以備

聖明採擇事等因奉

聖旨這本說察吏安民諸款都切實可行民困已甚
察吏必須先撫字懲貪黷責在撫按銓部主持精
覈勿徇請托說得是所請蠲先年逋欠停瘠土加
派與覆議來說節冗費嚴倖侵是理財善策着該
管衙門逐事清覈註定冊籍永爲遵守安邊之要
務擇才畧歷練之臣而專責成俱於安攘有裨該
部知道欽此又該刑科左給事中楊文岳題爲黔
事結局無期困乏日告敬陳末議以圖殲賊之

實事等因奉

聖旨黔事未結具軫朕懷這所奏進勦大計關於四省分兵措餉委爲急務還着該部於相近省分通融奏給朕念四省連歲兵火民力殫竭帶徵錢糧酌議蠲免以示優卹所舉邊才都與議用該部知道欽此又該貴州道監察御史任贊化題爲

聖治已臻基隆安攘須有實着敬陳根本之圖以佐廟筭事等因奉

聖旨覽奏加派未能盡免委宜量寬遠年逋欠不必

徵取官解便民屯田資戰務者實行至募兵數儲
將材尤籌邊急着這疏深於民生國計武備軍機
有裨該部速與議覆欽此又該江西道試監察御

史李完題爲

聖主情殷民瘼微臣目擊時艱仰承

軫鐸之求敬摘保釐之要以安窮黎以襄

至治事等因奉

聖旨這本指陳民難甚悉今後錢糧務責成有司清
筭其帶徵量與議寬邾逋困累詞訟煩興司牧豈

容坐視着講明蘇息保護之法該部知道欽此又
該福建道試監察御史馬如蛟題爲仰奉

聖謨俯竭愚衷事等因奉

聖旨這保舉汰冗之法甚是選智謀擇守令務着實
行所祝朕躬知道了該部知道欽此又該山西道
試監察御史徐尚勲題爲微臣憂時念切報
主情深敬陳一得之愚以佐時政以備

採擇事等因奉

聖旨覽奏票擬館選及守令之銓除民困武備之當

急講俱有裨新政着依擬行該部知道欽此又該
河南道監察御史曹暹題爲

聖德立隆爲極臣工職業未脩清議論以責成功恤
民窮以嚴邊計事等因奉

聖旨覽奏內擬將天啓五年以前逋賦盡行蠲除甚
善着該部立議行勿以空文塗民耳目科道官仍
不時覈奏其他息紛囂課功實諸款大小臣工盡
宜振飭不得悠悠從事該衙門知道欽此又該四
川道監察御史王相說題爲欽奉

聖旨俯恤民窮講求興除之方乞著採行之實事等

因奉

聖旨四弊條陳甚悉着卽行各省巡按御史責成縣令用心釐剔以拊民生該部知道欽此又該南京浙江道試監察御史沈希韶題爲

聖明圖治已新敬陳保安要畧以迓萬世有道之長事等因奉

聖旨祀典朕將次第躬親停免大工加派着候旨行奴挿二酋作何制禦還着從長計議市恩修怨委

當嚴禁該部知道欽此又該雲南道試監察御史
王應斗題爲

泰運方亨

新猷丕暢謹陳切要之規用佐雍熙之理事等因奉
聖旨這本觀朕以慎起居節勞逸聯恭交亦足備朕
採行加派併舊欠委宜量與蠲減兵餉虛冒須設
法澄汰議論有體薦舉不許太多許顯純等宜正
法該部知道欽此又該南京戶科給事中萬鵬題
爲

聖主勵精圖治微臣矢志效忠敬陳一得之愚以佐
維新以豫綱繆事等因奉

聖旨這奏條議六款俱切實可行惠世揚方經赦宥
何遽起用該部知道欽此又該河南道監察御史
范復粹題爲陽明月令方新

密勿端居宜慎恭逢令節廣普

皇仁以昭清和之理事等因奉

聖旨這疏援月令以規新政其謹起居各款俱可行
培虛弱之元脉尤有關係該部知道欽此又該雲

南道監察御史張茂梧題爲

泰運如日方升

乾行同天不息敬陳一得以佐治平事等因奉

聖旨這疏厚望閣部大臣主持分別良是和平宜養
勸懲宜昭至儲將覈兵與停免宿通加派已有屢
旨着該部一併覆行欽此又該候補給事中裴君
賜題爲海內倒懸已久

天心仁愛當承敬礪芻蕘仰祈

聖明加意以成順治事等因奉

聖旨覽奏安民五款皆切實有用俱申飭行自太始
着革了職爲民石三畏彭參并孫杰該部分別議
處欽此又該四川道監察御史吳煥題爲目擊
國計空虛臣憂思驚怖謹按出入之漏卮權目前
之變計因尋足

國之本源仰祈

皇上嚴勅廷臣重新料理以共求奠安之至計事等
因奉

聖旨談國計剴切淋漓可見施行官俸不必再捐前

已有旨布花顏料等項還遵舊制該部知道欽此
又該順天府尹劉澤深題爲

聖主納諫如流敬竭芻蕘以備採擇事等因奉

聖旨覽奏亦多切當之論練軍士在得其心儲邊才
當先教射嚴逋逃之誅酬久任之勞俱於邊防吏
治有裨士氣卑靡須用難進易退之人以鎮之說
得是軍屯免派戶部與覆議來說郡邑積穀以備
災變都如議申飭行該部知道欽此又該戶科給
事中瞿式耜題爲恤窮民以回

天變清苛政以恤窮民事等因奉

聖旨奏內種種苛政累害窮民深可痛恨這寬罰贖
詳盜情慎訪犯禁越訴着實心軫恤毋失設官安
民至意蠲免舊逋前已有旨下部除金花不免外
還議某年以前蠲起使百姓得并力完新這本冗
長過式不便省覽還遵前旨行該部院知道欽此
欽遵通抄到部送司除事關各部及先經議覆
外其蠲逋一節事關本部相應類覆等因案呈
到部該臣等看得自軍興以來閑鎮銷白蠲之

山間聞竭髓血之真正賦已煩催科加派更遇
星火見徵方欲取盈帶徵又難寬假民真疲於
奔命矣請

詔蠲租誠

清朝第一善政祇緣新舊餉缺閔鎮急呼顧後瞻前
躊躇未敢迺諸臣以痼瘼斯民之夙心爲蠲免
宿逋之輿論議將遠年舊欠一槩停蠲者臺臣
任贊化范復粹張茂梧吳煥也議將有事地方
多與蠲免數年者科臣楊文岳也議將四年五

年以前逋欠下尺一

詔與民更始以明浩蕩者臺臣徐尚勲李柄李完曹
暹也議謂瘠土與糧重地方不宜加派者臺臣
馬如蛟李柄王相說也議謂考成勿入帶徵恤
民先蠲雜派官之薪俸以及各項工食應免扣
留遼餉加派以及搜括耗添年來滋弊者臺臣
王應斗沈希韶科臣萬鵬裴君賜也議謂軍屯
加派一槩宜免者府臣劉澤深也臣於是取逋
年解納之冊細查之本年所解之銀多有四五

年前所欠之額乃知年來缺額勉強支吾得舊
欠之力居多則蠲免兩字誠未易言迨集諸臣
章䟽反復互觀大約謂民間窮苦定難并徵天
地生財止有此數而科臣瞿式耜臺臣曹暹復
爲備陳其苦且謂舊欠盡免則一意新收徵解
之數必有過於昔年者臣又何敢不從諸臣後
以蠲免爲

皇上請也第查

皇祖神宗之朝諸所蠲免多在十年之前殊有深意

良以遠年逋負居諸久曠雖難一時并徵京邊
雜課司府寄庫亦或踰年不解若一蠲免則有
那移別用徑不起解者矣十庫

內供本色有領銀買辦之舫延留都本折南糧有
宦僕積棍之包攬若一蠲免則有藉口乾沒終
不可問者矣此臣部所爲不得不凜凜也矧蠲
免

特恩皆遇

朝廷吉慶大典而後頒布方今

聖主當陽百福駢集小民沾

恩之日正自無窮臣查

皇上登極詔書一切起存錢糧南直浙江等十三省
俱免至天啓元年北直八府免至天啓二年

內供顏料蠟茶等項錢糧南直浙江十三省俱免
至萬曆四十六年北直保河等六府免至萬曆
四十七年順永二府免至天啓二年今議除金
花不免外一應起存錢糧南北兩直及十三省
俱蠲免至天啓三年

內供錢糧南直浙江十三省俱蠲免至天啓元年
北直八府蠲免至天啓二年以彰

皇上寬卹之典其四五兩年錢糧暫行停徵以爲
皇上異日施仁之地庶

浩蕩之弘恩不匱而小民之困苦亦蘇矣至於從前
年分已徵在庫錢糧俱令照數輸將不許分毫
寢閣給文領解錢糧俱令查追批收不許分毫
乾沒違者從重究治此在中外諸臣諒有同心
者也若土瘠糧重地方原不應槩行加派案查

貴州通省之議免廣西之柳慶思太四府福建
之浦城山西之垣曲襄垣寧鄉等縣陝西之南
鄭俱經議免矣而諸臣復以瘠土與糧重地方
不宜加派爲請或者遐方甘苦調停尚有未均
所當行各撫按酌量地方曲爲損益卽於今歲
之冬預報臣部以崇禎二年改正派徵然餉方
告匱之極但於本省自爲裒益勿致虧減額數
也若夫軍屯加派原照征播事例每糧一石加
派八分除劇邊免派外各省直皆未嘗免惟湖

廣四川廣西雲南改充黔餉耳至雜派官員俸
薪胥役工食等項掇剔滋弊原非美事亦以年
來遼餉額虧無計填補正亟借此以佐加派之
窮姑俟遼事稍寧節省有緒再議蠲除可也第
舊負旣蠲則新徵倍急目前欠數皆九邊關門
命脉所繫在外省直自應仰體

聖天子恤民之心共念疆圉呼庚之切照數起解自
不得稽緩時刻逋欠錙銖臺臣吳煥所云考成
叅罰無容曲徇情面臣惟有守此法以飭催科

之政而已伏乞

皇上俯允諸臣之情將南北兩直及浙江等十三省
起存錢糧俱蠲免至天啓三年

內供錢糧除金花不免外俱免至天啓元年北直
八府蠲免至天啓二年其四五兩年錢糧暫行
停徵以明

皇上嘉惠元元至意并

勅各該撫將蠲免停徵年分大書榜示刊行各屬
以明

朝廷德意以杜朦朧徵收其省直各官原因蠲免
年分錢糧叅罰者悉與開復仍督各該有司將
天啓五年以前欠數已徵在庫者速行起解已
解在途者速取批收不許乘機那移侵用天啓
六年後各正項加派并雜項等銀火速起解接
濟不得仍前觀望致悞軍需其土瘠糧重地方
并令斟酌調劑勿令偏枯亦不得借爲口實致
虧餉額恭候

命下臣部行文各該衙門一體遵奉施行類覆條奏

字數逾限更祈

聖明原宥

崇禎元年十月二十五日具

題本月二十八日奉

聖旨是這蠲免停徵年分着該撫按大書榜示刊行
各屬使小民通知朝廷德意如有官吏朦朧徵收
必罪不宥其已徵在庫的照數輸解先經起解的
查追批廻不許分毫那移乾沒起存自天啓六年
起內供天啓二年起八府內供自三年起俱要按

年嚴徵完解勿使奸人觀望延挨如悞急需罪坐
撫按餘俱依議行該衙門知道欽此

題覆津部酌定冬春馬匹草束疏

題爲酌定本年冬春關門馬匹草束數目祈

勅乘時發銀料理買運以便芻秣以資撻伐事專理
新餉山東清吏司案呈崇禎元年九月二十九
日奉本部送戶科抄出天津督餉部院崔爾進
題前事內開關門馬騾額設二萬餘匹每歲召
買草三百萬束年來調發倒斃而見存僅八千
五百餘匹督師袁崇煥慮周根本事事從省減
三百萬爲二百萬束內永屬派買一百萬束每

束價銀五分共該銀五萬兩解銀海運廳自
一百萬束每束價銀五分共該銀五萬兩以上
通共銀十萬兩有餘不足于此餉調劑所以省肉
部之供億而存永民之皮骨也等因崇禎元年
九月二十六日奉

聖旨據奏開門草束減一百六十萬省銀八萬其見
督師袁崇煥體國忠猷這買草價十萬兩戶部于
本月內星速給發及時辦運不得稽延欽此又該
督餉御史錢士貴題同前事等因奉

聖旨已有旨了該部知道欽此欽遵通抄到部送司
案呈到部該臣等看得戰守咸資馬力芻豢最
屬吃緊案查崇禎元年草束確數計三百六十
萬束今該道鎮議買三百萬束督師按冊計馬
數馬計芻而減之又減止用二百萬束所省不
貲體國忠猷已簡在

帝心矣及今萬寶告成草束較易臣部敢不及時發
價速爲料理以襄捷伐之舉哉相應如議發永
鎮餉司買草一百萬束每束計銀五分共該銀

五萬兩關門餉司督海運廳差官買草一百萬束每草一束價銀五分共該銀五萬兩以上共該發銀十萬兩查前任山海餉司王建侯揭報清查馬匹節省存剩下未買草價銀三萬五千五百二十七兩四錢三分三厘應卽就便撥付山海餉司動支買草外仍速剗新庫湊發銀六萬四千四百七十二兩五錢六分七厘共足十萬兩之數委官刻期領運星夜兼程火速到關交納督師衙門一聽查數扣發永鎮餉司及山

海餉司轉發海運廳赴待收買以應急需恭候
命下欽遵施行

崇禎元年十月二十五日具

題本月二十九日奉

聖旨是欽此

題覆津部預計二年關鮮糧料疏

題爲預計崇禎二年關內關外并鮮運糧料實數
懇祈

聖明勅部蚤爲措辦以濟運務事專理新餉山東清
吏司案呈崇禎元年十月二十日奉本部送戶
科抄出督餉部院崔爾進題前事等因本年十
月十六日奉

聖旨據奏關寧明歲新運米豆比舊額共減十八萬
餘石腳價減三萬餘兩袁崇煥節省可嘉召買該

部速派員題轉行各屬務及冬買完待運折色
價等銀亦與速發其急辦春運一欸及毛文龍截
糧十萬石應照登萊酌減會同倉場總督議奏欽
此又該督餉御史錢士貴題同前事等因奉

聖旨已有旨了該部知道欽此欽遵通抄到送司

案呈到部該臣等看得關寧糧料例於前之

冬按兵馬之數而預派之蓋東征一鉅務也今

據津部准督師咨稱崇禎二年關內外實支米

兵丁共一十萬五千二百八十名每名月支米

五斗歲該支米六十三萬一千六百八十石又
加閏月五萬二千六百四十石又班軍三萬名
計一百日每名日支米一升五合共該米四萬
五千石外加行糧米四萬石以待客兵之用又
補派去年透支米八萬石通共該米八十四萬
九千三百二十石較之崇禎元年減米十一萬
一百五十石實支料馬騾共四萬九千六百九
十匹頭連閏歲該料豆六十七萬八百一十五
石較之崇禎元年減豆六萬五千一百五十五

石凡此一顆一粒皆

朝廷之物力小民之膏血督師加意樽節裕

國於匱乏之日拯民於水火之中爲利溥矣其
有行糧米四萬石查天啓七年八月內臣部
奴兵屢挫一疏題留米十萬石作行守二糧
尚浮於督師所議之數不必再派外其餘一
照額計算不敢少減實該米八十萬九千三百
二十石除折色豆一十五萬八千三百一十四
石五斗每石折銀四錢二分共該折銀六萬六千

四百九十二兩零九分外實該本色豆五十一萬二千五百石五斗相應俱照舊例買運又額米內有補派去年透支米八萬石係屯禾刈去各兵多填三月之糧及查天啓七年臣部發屯本銀十萬四千兩折米一十三萬石繼因奴孽入犯派割出禾臣部復將本色米一十三萬補還屯本虧折之數并載在奴兵屢挫疏內甚悉今督師咨稱降夷多收皆耗原額又云支放有餘抵作崇禎三年之運有備無患自是長策臣

部安得拘拘減派致掣任事之肘第往時接放
在四月原爲冰凍未解舟楫難行若以正月之
急需脩責望於津運臨期悞事勢所不免是在
督師查覈補屯之米併暫借行守二糧通融支
放爲初春之用俟新運到日照數補還而二年
新運支起之日仍以四月初一日爲始可耳又
津部議額外另設糧米十萬石以備不虞誠未
雨綢繆之至計然累年從無預備之說卽天啓
七年碾米事出偶然原非成例且河南認改本

色之米麥正疏

請蠲免而召買告困無地不然合應照舊免派者也
其鮮運漕米十萬石及布疋花紅蓆片廩餼等
項客歲雖有成規今島兵已經清查餉應酌減
臣部移文各衙門會議已經督師咨報前來俟
科道衙門回覆俱到另疏奏

聞若夫召買之督催考成之叅罰召商之便利本折
之權宜掛欠之追補運軍之稽核督部院道諸
臣自當竭力効忠以備飽騰之用無俟臣言之

復贅矣惟收發通關朝填夕報使臣部得按冊而稽完欠是又津倉與關寧餉司宜呼吸立應者津部復慮春運之艱請照節年舊例借截凍糧而以帶運扣抵俟會同倉場總督酌議妥確以濟春運之窮可也謹將米豆價值數目并派買地方臚列上

請恭候

命下臣部行文各該衙門應派買者照數派買應扣算者照數扣算應領價者照數領價一體遵奉

施行

計開預計崇禎二年關寧糧料諸欸

一額派米據津部定八十四萬九千三百二十石除行糧四萬石於天啓七年八月奴兵屢挫疏關內關外備有米十萬石不必加派外實該派米八十萬九千三百二十石內

漕糧每十石帶運一石五斗共帶米四十五萬石定於浙江江西湖廣南直價用本省

加派聽撫院酌定買運後銷算

臨清倉餘米三萬石

德州倉餘米二萬九百石

以上二項俱不用價

附關召買米三萬石每石價銀一兩共該銀

三萬兩

以上價銀於新餉庫劄發

兗州府買米一萬五千石

東昌府買米一萬五千石

彰德府買米一萬八千石

衛輝府買米一萬二千石

真定府買米三萬三千石

保定府買米二萬八千石

河間府買米二萬五千四百二十石

順德府買米一萬二千石

大名府買米二萬五千石

廣平府買米一萬五千石

以上十府照舊例留用雜項不足者支

動京邊買運後造冊報部銷算

廬州府買米一萬五千石

鳳陽府買米一萬五千石

淮安府買米三萬石

揚州府買米二萬石

以上四府用加派銀買運後造冊報部

銷算

一額派豆據津部定六十七萬八百一十五石除關外三分折色外實該派豆五十一

萬二千五百石五斗內

薊鎮買豆二萬石每石買價連腳價六錢二分共該銀一萬二千四百兩

永平鎮買豆四萬石每石買價連腳價六錢共該銀二萬四千兩

密雲鎮買豆一萬五千石每石買價連腳價五錢五分共該銀八千二百五十兩

以上三處俱用雜項不足者部發

兗州府買豆二萬石每石買價連腳價五錢

五分共該銀一萬一千兩

東昌府買豆二萬石每石買價連腳價五錢
五分共該銀一萬一千兩

徐州買豆一萬五千石每石買價連腳價五
錢五分共該銀八千二百五十兩

以上三處俱用加派銀兩

真定府買豆四萬石每石買價連腳價五錢
五分共該銀二萬二千兩

保定府買豆四萬石每石買價連腳價五錢

五分共該銀二萬二千兩

大名府買豆二萬五千石每石買價連腳價
五錢五分共該銀一萬三千七百五十兩

河間府買豆三萬石每石買價連腳價五錢
五分共該銀一萬六千五百兩

順德府買豆二萬石每石買價連腳價五錢
五分共該銀一萬一千兩

廣平府買豆二萬石每石買價連腳價五錢
五分共該銀一萬一千兩

霸州道屬買豆二萬五千石每石買價連脚
價五錢五分共該銀一萬三千七百五十
兩

以上七處照舊例留用雜項不足者支
動京邊買運後造冊報部銷算

天津倉買豆九萬九千四百石五斗每石價
銀五錢五分共該銀五萬四千六百七十
兩二錢七分五厘

附關買豆八萬三千一百石每石價銀五錢

五分共該銀四萬五千七百零五兩

以上二處豆價於新餉庫劄發

一交卸米豆

關內關外共派米八十萬九千三百二十石
聽津部派發內外汎地交收

關內該本色豆一十四萬三千一百石以薊
鎮豆二萬石永鎮豆四萬石附關召買八
萬三千一百石卽抵關內額數

關外該本色豆三十六萬九千四百石五斗

聽津部督運交收該折色豆一十五萬八千三百一十四石五斗每石折銀四錢二分共該銀六萬六千四百九十二兩零九分

一米豆運價

除附關召買米三萬石豆八萬三千一百石并薊永二鎮豆六萬石不計運價外其津運米豆一百一十四萬八千七百二十石五斗每石運價二錢共該銀二十二萬九

千七百四十四兩一錢於

崇禎元年十月二十九日具

題十一月初二日奉

聖旨是欽此